


潛

山

集

二



詳校官庶吉士臣李傳熊

主事臣呂雲棟覆勘

膳錄監生臣沈霽

膳錄貢生臣張大同

欽定四庫全書

潛山集卷四

宋 釋文珣 撰

五言古詩

酬李漫翁暑中見寄韻

羲娥不停轂，催暑到茅屋。  
萍蓬無地頭，桑梓念天目。  
古吟寓深情，時事堪痛哭。  
餘生竟何歸，行已變陵谷。  
簟房暑中寄詩依韻酬答

谿翁若冰雪，明淨不受涅。  
經歲斷知聞，使我心苑結。  
佳

句來清風足以灑炎熱山中有竒事遲向秋深說

依韻酬葛秋巖陶體四首

山林自多趣况此晴和時我友賁然來相娛以琴詩倉  
庚遺好音薰風發清吹悠然與心會安能遽忘茲

大化無端倪至道絕馮仗委身於一靜足以去羣妄死  
生亦寄耳遐齡豈吾望伯倫稱達人胡為未忘葬

吾生一無營終日衡門下棲遲已成樂豈羨臺與榭相  
彼常汲汲而我獨多暇時聽螺祝兒於以知物化

東原風正和西山氣尤爽坐我於其中此心日以廣腰  
間豈須重眼下何必兩顏原陋巷居歌有金石響

效陶四首用葛秋巖韻

坐石滋南風幽抱和且行志唯在山水身不關治亂終  
曲遂忘言舉目送飛翰所得皆天真初不加習翫

山深自無暑五月草樹寒頗有遊世樂得之亦非難巖  
翁我同流邂逅成清歡回首功名人瑣瑣不足觀

眼前幾富貴變滅同浮烟舉非吾所欽眷然思古先窮

達無二道彭殤可齊年中心既昭徹萬象皆澄鮮

我居本山林茅茨蔭嘉樹翫麟塵網間歸心自西鷺吾  
駕今已返終然守貞素每思夜氣清起坐天未曙

野翁

野翁百不為白髮老巖澗寧肯慕膏粱且復飽藜苳故  
交非不多盡作風葉散餘生雖獨存反觀亦如幻

山居答客問

富貴有何好祇以勞其形吾居在山林四體常安寧寒



緝沼中荷饑斲松下蒼苔沒幽徑白雲度疎櫺明月  
石上看清風枕間聽滅惑生智敲破塵出空經真如寐  
而寤亦若醉而醒此外非吾事眠之等浮萍誓不出蘿  
戶期以終頽齡君如不吾信重當問山靈

遣興

吾方慕孤貞俗苦尚馮附一身天地間瓠落如大瓠短  
寄無百年倏忽已遲暮平生清淨禪猶嫌被詩汚洗除  
豈誠難心空滅萬慮更當尋亮公竟入西山去

寓形

寓形宇宙間，治身猶治木。要在直而方，毋使圓且曲。直方固違衆，吾心以為是。圓曲雖適時，吾心以為恥。人由圓曲富，吾用直方貧。吾心雖不移，予以書諸紳。

黃葉

吾心愛黃葉，不翅於南金。九月秋風高，柴門積來深。一自撥拾書，我白頭吟吟。成意誰與拄，頰對遙岑。

寄友分得客字

夜來有清夢夢見山陰客  
宛然過蘭亭分吟坐苔石  
曉聞在湖寺揮麈論經席  
會面安可期相思春草碧

吾生

吾生少壯時窮力在經教  
一心融萬境頗亦能致效  
老來更脫畧山水隨所樂  
今成信手甚勝負不復校

人生幾何行

人生能幾何百年三萬日  
一半睡中消餘壽或難必  
鐘鼎與軒裳總是牢籠物  
貪夫所甘心宛轉無由出  
富貴

者常勞貧賤者常逸所以箕山人不為唐堯屈

人生百年間何殊旅亭客少壯不可留漸覺衰老迫縱使功業成誰能免形役長歌歸去來山中煮白石

冬日山中遣興

始見迎秋氣又復換玄律寒山何蕭蕭飄風何弗弗雙丸遞隱見百齡信超忽慨念同遊人大半成異物吾年亦云衰逾六已望七不唯齒髮變舊聞盡遺失死生無定據萬事難固必且以永今朝奚須計明日息影入山

林曾不厭深密賢哉龐德公萬世稱隱逸

重阜崔嵬行

重阜何崔嵬遙瞻北邙路曠野無人居高低盡丘墓不知  
古與新落落似碁布下有荒草叢上有白楊樹樹頂嘯鷓鴣  
鴛草根穴狐兔嗟哉昔為人妻子相愛慕豈知易殂落到  
此長別處天地雖好生安能暫留駐夜臺杳冥冥千載竟  
不曙託身同草木坐受螻蟻蠹衣冠變成塵精靈自相語  
親戚不重過他人豈能顧聽我蒿里歌年命如朝露

與雲耕重會復別

久別思見面重逢反成悲相持問年紀各在桑榆時道  
途筋力殘玄髮成素絲時命苟不遭有才亦奚為榮華  
既非願但願亡寒饑眼前且相慰老別難再期此語亦  
良苦君心還自知

別山中友

人生貴適意窮達奚足論此意君能知方喜吾道存于  
心既莫逆彼此俱忘言胡為又當別誰能不消魂

閉戶

閉戶日無事山光滿盈几飯餘曲肱睡一覺頗甜美心  
平不作夢境寂如止水山童為煎茶茶熟我當起

夜歸

天氣殊清和山中多勝踐沿流采香芹穿雲得芳薜幽  
懷日以舒囂塵自茲遣乘月返茅茨倦足不復洗  
生唯淨命食持鉢向人境莫夜歸茅廬月出山愈靜處  
處聞泉聲行行踏松影洗足便安禪雲深石床冷

煎茶

吾生嗜苦茗春山恣攀緣采采不盈掬  
浥露殊芳鮮慮溷仙草性嵒間取靈泉  
石鼎乃所宜濯濯手自煎擇火亦云至  
不令有微烟初沸碧雲聚再沸雪浪翻  
一盃復一盃盡啜祛憂煩良恐失正味  
緘默久不言須臾齒頰甘兩腋風颯然  
飄飄欲遐舉未下盧玉川

芝田老師索余作松石因書此詩

學畫同學書藝精人已老三年始向學  
一紙未能好墨



淡石不蒼筆枯松亦槁芝翁索此圖遺笑應絕倒

樗散

樗散不任用居然老空林柴門絕車馬徑草三尺深靜  
對西山雲頗覺諧素心此外非所知誰言有華簪

藤杖

柳樛古藤杖偃蹇如虬龍伊昔訪隱人得之天柱峯賦  
爾如良朋出處常相從渡水逾萬折穿雲或千重忽於  
風雨時狡獪誇靈蹤使我失馮倚瓠落無所容